

OP KNJIŽICA

VODIČ – KORAK PO KORAK

KROZ PROCES DOBIVANJA

NALOGA O ZAŠTITI

ZA DJECU I ODRASLE

PRAVNI ADVOKATI ZA ZLOSTAVLJANE ŽENE

314-535-5229 ili 800-527-1460

Fond za štampanje obezbijedio Verizon Wireless

KAKO KORISTITI OVU KNJIGU

Ova je knjiga dizajnirana da vas korak po korak provede kroz proces dobivanja naloga o zaštiti za odrasle ili dijete. Namijenjena je za vas da je koristite kao “mapu” kroz pravni proces traženja vašeg naloga. Nije namijenjena da zamijeni pravni savjet. Za konkretan pravni savjet za vašu situaciju nazovite LAAW kriznu liniju (LAAW’s crisis line), ili kontaktirajte privatnog advokata.

Na kraju ove knjižice ćete naći dvije različite indikacije koje su namijenjene da vam pomognu kada odlučujete o vašem ličnom planu sigurnosti. To su:

1. Rječnik pravnih pojmova. Mi smo pokušali da uključimo opšti pravni žargon na koji ćete naići u traženju naloga o zaštiti;

2. Spisak sudnica u vašem području.

Takođe ćete naći umetak sa izvorima koji su na raspolaganju žrtvi kućnog nasilja u vašem području. Ako su vam potrebni izvori u području koje nije navedeno u umetku, nazovite LAAW kriznu liniju.

**LAAW CRISIS LINE: 314-535-5229
800-527-1460**

Pravni advokati za zlostavljane žene (Legal Advocates For Abused Women)

Pravni advokati za zlostavljane žene (LAAW) je prva agencija za kućno nasilje u širem području St. Luisa koja se specijalizuje u obezbjeđivanju besplatnog pravnog predstavljanja žrtava kućnog nasilja koji traže naloge zaštite.

LAAW usluge uključuju: kriznu liniju koja je otvorena sedam dana sedmično; Ured Govornika (Speaker’s Bureau) da bi se javno mnjenje obrazovalo vezano za pitanja kućnog nasilja, Zakon Mizurija o zlostavljanju odraslih, i nalozi o zaštiti; Program za pomoć žrtvama u sudovima grada St. Luisa i okruga St. Luisa; i Programi zastupanja žrtava sa St. Louis City Metropolitan policijskim odjeljenjem i mjesnim sudovima okruga St. Luisa.

LAAW krizna linija je otvorena od ponedjeljka do petka od 9:00 ujutro do 4:00 poslijepodne i od 9:00 ujutro do podneva vikendom i na praznike. Volonteri i zaposleni koji su specijalno trenirani da pomognu žrtvama kućnog nasilja su na raspolaganju da odgovore na pitanja o pravnom sistemu i da obezbijede podršku i izvore pomoći u krizi.

Volonteri krizne linije takođe vode razgovore sa žrtvama koje traže pravno predstavljanje za rasprave o traženju naloga o zaštiti.

LAAW usluge su na raspolaganju svakoj žrtvi kućnog nasilja. Ako imate bilo kakva pitanja o svojim pravnim opcijama, ili ako vam je potreban advokat za vašu raspravu, nazovite LAAW kriznu liniju, na 314-535-5229 ili na 800-527-1460.

VAŠ PLAN SIGURNOSTI

Ako ste žrtva kućnog nasilja, treba da imate plan sigurnosti prije nego što pokušate pobjeći. Plan sigurnosti kombinuje praktični plan da se sklonite od opasnosti sa korištenjem pravnih sredstava.

Ovo su neke od praktičnih stvari koje trebate razmotriti:

1. Gdje ćete otići da budete na sigurnom? Kuća nekog prijatelja? Sklonište? Gdje će ići vaša djeca?
2. Imate li novaca? Hoćete li imati pristup bankovnom računu ako odete? Hoće li vas uzimanje novca sa bankovnog računa dovesti u opasnost?
3. Imate li prevoz? Trebate li pronaći sigurno mjesto blizu autobuske ili metro stanice ?
4. Hoćete li imati pristup važnim papirima ili ličnoj imovini kada odete? Ko vam može pričuvati kopije ovoga u slučaju da vam zatrebaju?

5. Bojite li se da će vas onaj ko vas je zlostavljao progoniti? Hoćete li biti u opasnosti kada pokušate otići?

Ako ste odgovorili sa “da” na #5, trebate razmotriti dobivanje Naloga o zaštiti. Ovo je sudski nalog kojim se naređuje onom ko vas zlostavlja da se drži dalje od vas.

Vi možda mislite: “Nalog o zaštiti je samo papir. To mi neće dati sigurnost ako moj zlostavljač stvarno želi da me povrijedi.” I to je istina. Ali je to možda presudni korak u vašem planu sigurnosti. Kad imate Nalog o zaštiti, to osigurava da policija odmah reaguje na vaš poziv za pomoć. To može pomoći da se finansijski pomogne da biste mogli sebi priuštiti da napustite onog ko vas zlostavlja. I time će vaš zlostavljač shvatiti da će se suočiti sa posljedicama ako vas tuče.

Šta je to nalog o zaštiti?

Nalog o zaštiti - Order of Protection (OP) je sudski nalog, kojim se naređuje da se vaš zlostavljač drži dalje od vas .

OP može takođe:

1. Narediti da se vaš zlostavljač iseli iz vašeg doma;
2. Narediti da onaj ko vas zlostavlja ne smije ni na kakav način stupiti sa vama ni u kakav kontakt;
3. Dodijeliti vam starateljstvo nad svom djecom koju imate sa vašim zlostavljačem, kao i izdati naloge o plaćanju izdržavanja djece i posjetama, ako ne postoje prethodni nalozi vezani za ova pitanja;
4. Narediti onom vašem zlostavljaču da plati rentu ili hipoteku za vaš dom, kao i da za vas plati izdržavanje;
5. Dodijeliti vam konkretne predmete lične imovine;
6. Narediti vašem zlostavljaču da ne smije baciti ništa od vaše lične imovine, ili zajedničke imovine;

7. Narediti onom ko vas zlostavlja da učestvuje u programima tretmana odobrenima od suda za one koji tuku, ili koriste droge;

8. Narediti da onaj ko vas zlostavlja plati za sve usluge koje ste dobili u skloništu od kućnog nasilja;

9. Narediti da vaš zlostavljač plati troškove advokata ili bilo koje druge sudske troškove koji se ispostave;

10. Narediti vašem zlostavljaču da ne smije posjedovati oružje;

11. Narediti vašem zlostavljaču da plati vaše medicinske troškove za povrede koje vam je ta osoba zadala.

✓KONTROLNA TAČKA:

Iako OP može narediti ove stvari koje smo upravo naveli, to nije glavna svrha OP-a. Svrha OP-a je da zaštiti nekoga ko je u strahu od zlostavljanja, i da upozori policiju da odmah reaguje. Ako se ne bojite zlostavljanja, postoje drugi način da se navedene stvari postignu. Možda se pitate šta je to "zlostavljanje". Zlostavljanje uključuje ali nije ograničeno na:

tuču	davljenje	guranje
vučenje za kosu	uznemiravanje	udarce
prijetnju samoubistvom	šamaranje	izolaciju
seksualni napad	vrijeđanje	ponižavanje
prijetnje	proganjanje	uvrede

KOLIKO DUGO ĆE "OP" TRAJATI?

OP može trajati od 180 dana do jedne godine. Može se obnoviti do dva puta, do jedne godine svaki put.

Moгу li ja aplicirati za OP?

Vi možete aplicirati za OP ako imate 18 godina ili više, ili ako vam je manje od 18 godina ali ste emancipovani.

Protiv koga mogu dobiti OP?

Vi možete tražiti OP protiv bilo koga od sljedećih osoba; moraju imati 18 godina ili biti emancipovani maloljetnici:

1. Vaš supružnik;
2. Vaš bivši supružnik;
3. Neko s kim živite;
4. Neko s kim ste živjeli u prošlosti;
5. Neko s kim imate dijete;
6. Neko s kime ste povezani krvnim srodstvom ili brakom;
7. Neko s kim ste imali romantičnu ili intimnu vezu;

8. Druga odrasla osoba koja vas prati ili uznemirava.

✓KONTROLNA TAČKA:

Ako ste razvedeni od vašeg zlostavljača, OP ne može promijeniti nikakve odluke koje je sudija donio u vašem razvodu. Vi ipak možete tražiti da OP drži vašeg zlostavljača dalje od vas, ali je to je obično sve što sudija može učiniti u toj situaciji.

Ako ste u procesu dobivanja razvoda od vašeg zlostavljača, tražite od vašeg advokata za razvod savjet o tome šta OP može učiniti za vas. Ako nemate advokata za razvod, nazovite LAAW kriznu liniju za pomoć.

Ako nikad niste bili vjenčani sa vašim zlostavljačem, ali imate djecu zajedno, možda ćete moći, a možda nećete moći dobiti izdržavanje za djecu na raspravi za OP. Ovo može biti zbunjujuće. Nazovite LAAW kriznu liniju za savjet o tome kako će zakoni o očinstvu uticati na vaš OP.

Ali ja to ne mogu sebi priuštiti da idem na sud!

Troškovi podnošenja zahtjeva i sudski troškovi se ne naplaćuju od podnosioca zahtjeva za Nalog o zaštiti.

Kako da apliciram za OP?

Ima sedam koraka u apliciranju za OP.

KORAK 1: Gdje da idem?

Možete otići u sudnicu u bilo koji od ovih okruga:

1. Okrug u kome živite;
2. Okrug u kome se zlostavljanje desilo;
3. Okrug u kome se onom ko zlostavlja može nalog dostaviti.

Vi možete izabrati u koju od ovih sudnica da odete.

KORAK 2: Kada da idem?

Trebate otići tokom radnog vremena sudnica. Ono je navedeno na poleđini ove knjižice.

Svaki okrug ima proceduru za apliciranje za OP u hitnim slučajevima tokom sati kad je sudnica zatvorena. Samo u hitnim slučajevima, iz vaše lokalne policije ili 24 sata otvorene linije za kućno nasilje vam mogu reći šta da učinite.

KORAK 3: Šta trebam ponijeti u sudnicu?

1. Znajte adresu gdje se zlostavljač može naći tokom dana. Šerif će trebati dostaviti zlostavljaču vašu Peticiju za OP prije nego što sud bude imao raspravu, tako da morate biti u stanju da kažete šerifu gdje se zlostavljač može naći. Ako znate adresu na poslu i kod kuće, ponesite obadvoje. Pomoći će ako znate od kad do kad je zlostavljač na poslu.
2. Sliku zlostavljača.
3. Opis i registarske tablice auta zlostavljača.
4. Slike svih povreda koje vam je zlostavljač nanio.

5. Svi policijski, bolnički, ili doktorski izvještaji koji govore o zlostavljanju.
6. Znajte konkretne datume kada su se napadi desili, posebno posljednji napad.

KORAK 4: Šta da radim kad stignem u sudnicu?

Idite u Službenički ured (Clerk's office) ili, ako postoji, u Ured za zlostavljanje odraslih (Adult Abuse office), i kažite im da trebate ispuniti Peticiju za OP. Oni će vam dati papirologiju i objasniti vam je. Pobrinite se da je popunite sami, da bi bili sigurni da tražite sve što vam je potrebno.

KORAK 5: Šta treba da navedem u peticiji?

Peticija će vas pitati da detaljno opišete posljednje zlostavljanje. Budite spremni da detaljno opišete zlostavljanje. Budite što konkretniji što možete vezano za vrijeme, datume, i mjesta. Na peticiji možda neće biti dovoljne prostora za pisanje, pa zatražite još papira ako je to potrebno.

Peticija je ono čime tražite od suda sve ono što želite u svom finalnom sudskom nalogu.

Ako to ne tražite sada, sud vam to ne može dati poslije. Ako ne razumijete šta treba da tražite, tražite od advokata ili službenika da vam objasni.

Lista na početku ove sekcije pod "Šta je to nalog o zaštiti?" navodi neke od stvari koje možete tražiti od suda da vam da.

✓KONTROLNA TAČKA:

Veoma je važno da znate šta možete tražiti od suda da naredi, i da se pobrinite da sve tražite kada ispunjavate peticiju. Ako imate ikakva pitanja o tome šta možete tražiti od suda da učini, nazovite LAAW kriznu liniju, ili kontaktirajte privatnog advokata.

✓KONTROLNA TAČKA:

"Ponekad vam službenik neće dati da sami popunjavate svoju peticiju, ili, ako je podnosite nakon što je sudnica zatvorena, možete je podnijeti telefonom ili možda niste u stanju da je napišete sami. Ako se to desi, **POBRINITE SE DA PROČITATE FINALNU KOPIJU PRIJE NEGO ŠTO JE POTPIŠETE!**

Vi ste odgovorni za to što je napisano, i kada potpišete vi se kunete, kao da ste pod zakletvom, da je sve što je navedeno istinito. Ako je nešto u njoj netačno vi ćete za to biti odgovorni.

Takođe se morate pobrinuti da peticija uključuje sve što želite tražiti od sudije da vam da kad odete na vašu raspravu. Ako na primjer zaboravite tražiti novac za rentu, ili ako službenik ne označi tu stavku, a vi ga (nju) ne ispravite, nećete moći tražiti od sudije novac za rentu na vašoj raspravi. Još jednom, **PROČITAJTE PETICIJU PRIJE NEGO ŠTO JE POTPIŠETE!**"

KORAK 6: Šta se dešava nakon što ispunim peticiju?

Nakon što ispunite peticiju za OP, sudija će je pregledati. Ponekad sudija želi s vama da razgovara i da vam postavi neka pitanja. U drugim slučajevima, sudija će odlučiti da li vam je potrebna hitna zaštita bazirano samo na onom što ste napisali u Peticiji.

To je razlog zašto je veoma važno da se sudiji da puno detalja o zlostavljanju kada ispunjavate Peticiju.

KORAK 7: Ex Parte Nalog o zaštiti ili Obavijest o raspravi.

Nakon što pročita vašu Peticiju, sudija će odlučiti da li ili ne vam je potrebna hitna zaštita od vašeg zlostavljača.

Ako sudija smatra da ste u neposrednoj opasnosti, možda će vam dati *Ex Parte Nalog o zaštiti (Ex Parte Order of Protection)*. Ovo je privremeni OP, Koji traje samo do vašeg sudskog ročišta. Ako sudija ne smatra da ste u opasnosti, vi ćete dobiti *Obavijest o raspravi (Notice of Hearing)*, koja vas jednostavno obavještava o datumu vaše rasprave i trenutno vam ne nudi zaštitu. Nakon rasprave, sudija vam može dati OP.

U slučaju Ex Parte OP, sudija može:

1. Narediti zlostavljaču da vas ne zlostavlja;
2. Narediti zlostavljaču da ne uđe u vaš dom;
3. Dati vam starateljstvo nad svom djecom koju vi i vaš zlostavljač imate skupa;

KONTROLNA TAČKA:

4. Narediti zlostavljaču da sa vama ni na koji način nema nikakav kontakt.

Ako sudija odluči da vam da Ex Parte OP, dobićete nalog tog dana prije nego što napustite sudnicu.

✓KONTROLNA TAČKA:

Pobrinite se da imate svoj Ex Parte OP sa sobom u svaka doba, od momenta kad ga dobijete, do dana vaše rasprave. Ako vaš zlostavljač prekrši Ex Parte OP, trebate nazvati policiju i reći im da imate Ex Parte OP, koji je prekršen. Trebaćete pokazati Ex Parte OP policiji kad stignu.

✓KONTROLNA TAČKA:

The Ex Parte OP samo radi za vas do datuma vaše rasprave. Ako ne odete na sud na dan ročišta, Ex Parte OP će isteći i vi nećete biti zaštićeni. Vi morate otići na sud na raspravu da bi dobili punu zaštitu!

✓KONTROLNA TAČKA:

Nemojte misliti da se vašem zlostavljaču ne može narediti da ne ulazi u vaš dom jer pripada njemu/njoj ili jer on/ona plaća rentu ili hipoteku. Zakon dozvoljava sudiji da naredi zlostavljaču da ne ulazi u vaš dom ako je dom u posjedu ili iznajmljen od vas obadvoje ILI ako ste tamo živjeli zajedno. Ako ste vjenčani sa vašim zlostavljačem, zlostavljaču se može narediti da napusti vaš dom čak iako je pripadao njemu/njoj prije nego što ste se vjenčali.

Imam zakazano ročište na sudu-šta sad?

Između podnošenja vaše peticije za Op i datuma rasprave na sudu, postoje tri stvari na koje treba da mislite: uručenje; primjena Ex Parte OP; i nalaženje advokata.

1. Uručenje

Prije nego što se puni Op može izdati, mora se uručiti vašem zlostavljaču. Ovo znači da se zlostavljaču mora uručiti poziv za sud da bi došao na dan vaše rasprave.

Šerif će pokušati da to uruči vašem zlostavljaču koristeći informacije koje ste obezbijedili kada ste podnosili svoju Peticiju. Zato je važno da vi imate informacije o tome gdje vaš zlostavljač može biti pronađen kad odete u sudnicu da podnesete peticiju.

Ako to nije uručeno vašem zlostavljaču tri dana prije zakazanog ročišta, sudija neće moći održati raspravu. Pogledajte sekciju sa naslovom "Moje ročište" da vidite šta raditi ako se to dogodi.

✓KONTROLNA TAČKA:

Ako vaš zlostavljač zna da šerif pokušava da mu/njoj uruči poziv, može se kriti, ili naći nekoga da slaže da on nije kod kuće ili na poslu. Najbolji način da se spriječi da se ovo dogodi je da nikome ne kažete da ste podnijeli zahtjev za OP. Pustite da zlostavljač sazna o tome kada dobije poziv i kad Ex Parte OP bude pravosnažan.

2. Primjena vašeg Ex Parte OP

Na vama je da zaštitite sebe primjenjujući vaš Ex Parte OP. To će jedino uspjeti ako nazovete policiju **SVAKI PUT** kada ga vaš zlostavljač prekrši. Trebate im reći da imate Ex Parte OP kada pozovete za pomoć; oni moraju odgovoriti kada to čuju.

Kada policija odgovori na vaš poziv za pomoć, oni trebaju uhapsiti zlostavljača i napisati izvještaj o tome šta se dogodilo. Ako policajac ne napravi izvještaj, on /ona mora napisati izvještaj sa objašnjenjem zašto nisu napisali izvještaj. Ako je zlostavljač već otišao, oni bi trebali za njim ili njom izdati potjernicu.

Zapamtite, ako zlostavljač prekrši Ex Parte OP i vi ne nazovete policiju, on/ona se neće bojati da ga ponovo prekrši. Najbolji način da se zaštitite je da primjenjujete Nalog.

3. Treba li mi advokat?

Vi ćete trebati da odlučite da li želite da imate advokata da vas predstavlja na vašoj raspravi.

Sudski sistem je dizajniran tako da vam omogućí da odete na sud bez advokata da bi dobili OP. Međutim, ako imate pitanja o vašim zakonskim pravima, uvijek je dobra ideja da kontaktirate advokata.

Mnogi privatni advokati rade sa OP-ima. Ako nemate novaca za advokata, nazovite LAAW kriznu liniju za pomoć.

✓KONTROLNA TAČKA:

Ako odlučite da uzmete advokata, vaš advokat će vam objasniti šta će se dalje dešavati. Vi možete izabrati da pročitate ostatak ove knjižice za informisanje, ali vaš advokat će biti u mogućnosti da vam da konkretne informacije vezane za vašu situaciju.

Ako odlučite da ne uzmete advokata, ostatak ove knjižice će vam dati predstavu o tome šta će se dalje desiti.

✓KONTROLNA TAČKA:

Ako vaš zlostavljač ima oružje, ili ako je on/ona policajac ili ima neku drugu vrstu posla kojim se traži da nosi oružje

možda trebate razgovarati sa advokatom o tome kako se ovo treba razmotriti na raspravi. Federalni zakon dozvoljava da sudija oduzme oružje od zlostavljača, ali ovo nije uvijek moguće kada je zlostavljaču potrebno oružje na poslu. Ovo je veoma ozbiljna situacija, i podstičemo vas da nazovete LAAW kriznu liniju ili da razgovarate sa privatnim advokatom.

Sudsko ročište

Postoji nekoliko situacija koje se mogu desiti na vašem ročištu. Svaka je opisana ispod.

1. Šta ako optuženiku poziv nije uručen?

Ako optuženiku poziv nije uručen tri dana prije sudskog ročišta, šerif će vratiti poziv na sud sa izjavom da poziv nije uručen optuženiku. Ovo se nekad zove "non est". Ako se ovo dogodi, moraćete otići na sud da tražite od sudije da šerif ponovo pokuša da uruči poziv zlostavljaču, i da tražite novo ročište.

Ako dobijete novo ročište, pobrinite se da sudija takođe produži vaš Ex Parte OP; prvi ističe na datum vašeg ročišta, tako da vam treba novi do novog ročišta.

✓KONTROLNA TAČKA:

Ponekad šerif neće biti u mogućnosti da uruči poziv zlostavljaču čak i nakon nekoliko pokušaja. Ako se to dogodi, možda će vam biti potreban uručilac specijalnog procesa - “*special process server*”. Posao ove osobe je da nađe ljude i uruči im pozive. Vaš advokat će vam pomoći da ga nađete ako vam bude potreban. Ako nemate advokata, možete nazvati LAAW kriznu liniju za informacije o uručiocima specijalnog procesa.

2. Šta ako se optuženik ne pojavi?

To zavisi od toga da li je ili ne optuženiku uručen poziv. Ako mu/joj je poziv uručen, onda sud može izdati OP čak iako optuženik nije tu, ali vi jeste. Ako poziv nije uručen, prethodna sekcija se primjenjuje.

3. Šta ako nijedno od nas nema advokata?

Sudija će voditi raspravu. Vi ćete obadvoje ispričati svoju priču, a onda će sudija postaviti pitanja koja on ili ona ima. Potom će sudija odlučiti da li da izda puni OP.

4. OH! –Optuženik ima advokata a ja nemam!

Ponekad kad se ovo dogodi, sudija će vas pitati da li želite da vam se da vrijeme da uzmete advokata. Ako sudija to pita, i ako sad želite da uzmete advokata, dobićete novi datum ročišta, obično za jednu do dvije sedmice. Pobrinite se da sudija produži Ex Parte OP tokom ovog vremena.

U ostalim slučajevima, sudija vam neće dati više vremena, i vi ćete morati sami sebe predstavljati. Ovo je često stresna situacija. Ako ne želite da preuzmete rizik da predstavljate sebe nasuprot advokata, treba da nađete advokata prije sudskog ročišta.

Rasprava

Svaki sudija ima svoj stil vođenja rasprava. Neki od njih će od vas tražiti da jednostavno stanete ispred njih i kažete svoju stranu priče. Drugi radije žele da vode rasprave koje liče na suđenje, gdje dajete iskaz kao na bilo kojem suđenju, i druga strana vam postavlja pitanja kao na bilo kojem drugom suđenju.

Vaš advokat će vas pripremiti za vašu raspravu. Ako odlučite da sami sebe predstavljate, možda ćete željeti da odete u sudnicu prije vaše rasprave da posmatrate kako sudije vode OP rasprave, tako da se možete pripremiti. OP rasprave svaki sudija često održava istoga dana i u isto vrijeme svake sedmice.

Kako god da vaš sudija vodi raspravu, kad bude završena, vama će OP biti dodijeljen, ili odbijen.

Ja imam OP—Kako da ga primjenim?

Sada kad imate puni OP, do vas je da ga koristite da se zaštitite. Pročitajte pažljivo svoj OP i pobrinite se da razumijete šta znači. Vaš advokat će vam to objasniti. Ako nemate advokata, nazovite LAAW kriznu liniju da tražite pomoć u razumijevanju OP-a.

Zakon kaže da ako je OP pravosnažan, policija mora odmah reagovati ako nazovete za pomoć. Kažite policiji da imate OP kada nazovete. Oni trebaju napisati izvještaj o incidentu i uhapsiti zlostavljača ako je on/ona tu; u protivnom, trebaju izdati potjernicu za njim/njom.

Primjenjivanje vašeg OP-a je isto kao i primjenjivanje Ex Parte OP-a. Vi trebate nazvati policiju ako ga zlostavljač prekrši, i trebate nazvati policiju svaki put kad ga zlostavljač prekrši. Inače neće biti posljedica za kršenje OP-a.

✓KONTROLNA TAČKA:

Policija i tužioci će primijeniti dijelove vašeg OP-a koji će držati vašeg zlostavljača dalje od vas, spriječiti ga/nju da vas kontaktira, i da dođe u vaš dom. Takođe će pomoći ako vaš zlostavljač uzme vašu djecu protiv uslova OP-a.

Međutim, ako u vašem OP-u postoje provizije vezano za izdržavanje djece ili druge finansijske isplate, vraćanje imovine, ili neki druga naredba koji se odnosi na držanje vašeg zlostavljača dalje od vas ili vaše djece, policija ne primjenjuje ove provizije. Ako zlostavljač ne prati ove naredbe, vi ćete morati uložiti žalbu za nepoštivanje (Motion for Contempt). Ovo daje sudiji koji vam je izdao OP do znanja da zlostavljač ne poštuje OP. Dobićete ročište da ponovo odete na sud tako da možete objasniti sudiji šta je to što zlostavljač ne čini. Ako se sudija složi

sa vama da zlostavljač krši uslove OP-a, zlostavljač može biti finansijski kažnjen, ili smješten u zatvor dok se ne bude ponašao/la u skladu sa OP-om.

Većina sudova ne obezbjeđuje jednostavne formulare za ispunjavanje za "Motion for Contempt". Kontaktirajte privatnog advokata ili LAAW kriznu liniju ako imate pitanja o podnošenju ovakve žalbe.

Šta se dešava ako zlostavljač prekrši OP?

Ako vaš zlostavljač prekrši OP time što vas povrijedi, komunicira sa vama, dođe u vaš dom, ili ako vam uzme/ne vrati vašu djecu, policija ga može uhapsiti. Prvi put kad je zlostavljač osuđen za kršenje OP-a to je blaže krivično djelo. Drugi put je to teže krivično djelo.

Ako vaš zlostavljač prekrši bilo koji od drugih uslova OP-a, kao što je nevraćanje vaše imovine vama, ili neodlaženje na nastavu za zloupotrebu supstanci ili za intervenciju za nasilnike, način da se primijeni OP nije zvanje policije nego ulaganje žalbe o nepoštivanju. Ovo je žalba koja govori sudiji da njegov/njen nalog nije poštovan, i traži od sudija da kazni zlostavljača zato što nije poštovao nalog. Ove žalbe obično nisu na formularima u sudnici, tako da je trebalo napisati sami, ili kontaktirati advokata.

Ove su žalbe dosta komplikovane, tako da ako posjedujete izvore trebate razmotriti razgovor sa advokatom da dobijete pomoć u podnošenju jedne od ovih žalbi.

Šta se dešava ako treba da promijenim nešto u OP-u?

Nakon vaše rasprave, moguće je da promijenite određene dijelove OP-a. Da bi se izvršile izmjene, sud mora ustanoviti da su se dogodile promjene u vašim okolnostima od kada je izdat nalog (OP), koje zahtijevaju da se izvrše promjene. Vi *ne možete* tražiti promjenu samo zato što ste se predomislili u vezi nečega, ili zato što niste donijeli sve dokaze u sud na raspravu i hoćete da opet pokušate.

Da zatražite promjenu, mora se predati molba za promjenu (*Motion to Modify*). Većina sudova ne obezbjeđuje formulare, tako da ćete možda željeti da vam advokat pomogne.

Šta se dešava ako treba da odselim iz države?

OP važi u svakoj državi; ne morate dobiti drugi OP ako se preselite. Trebate kontaktirati agenciju za kućno nasilje ili advokata u obadvije države iz koje odlazite i u koju idete, prije nego što odete, da vidite da li je potrebno da nešto učinite da bi osigurali prikladnu primjenu vašeg OP-a u novoj državi. Svaka država ovo sprovodi drugačije.

Ako vaš OP daje zlostavljaču prava na posjetu vaše djece, imajte na umu da on/ona zadržava ova prava i ako se preselite. Ako se preselite i odbijete posjetu, vi ćete kršiti sudsku naredbu, što može rezultirati vašom kaznom. Provjerite sa advokatom ili na LAAW kriznoj liniji prije selenja da li treba da se selite i da li vaš OP daje zlostavljaču prava na posjetu.

Kako da obnovim moj OP?

Ako osjećate da ste opet u opasnosti da budete zlostavljani kada Op treba da istekne, trebate otići u sudnicu da predate molbu za obnavljanje naloga o zaštiti (*Motion to Renew the Order of Protection*). Trebate podnijeti ovu molbu oko dvije sedmice prije nego što OP istekne. Sud će vam zakazati ročište prije nego što OP istekne. Ako vam sud ne može dati ročište prije nego što OP istekne, obično će vam dati drugi Ex Parte OP da vas zaštiti u vremenu od isticanja OP-a do novog ročišta.

LOKALNE AGENCIJE

PRAVNE/KRIZNE INFORMACIJE

Legal Advocates for Abused Women

314-535-5229

800-527-1460

SKLONIŠTA

COMTREA

Jefferson County

877-266-8732*

Fortress Outreach

314- 381-4422

St. Martha's Hall

314-533-1313*

Women's Center

636-946-6854*

Women's Safe House
772-4535*

3 1 4 -

Kathy J. Weinman Shelter

314-423-1117*

Turning Point

Franklin, Warren

888-873-7233*

New Way Shelter

Washington

800-663-9929

Robertson Center

Lincoln County

636-462-3355

INFORMACIJE O SAVJETOVANJU/ KRIZI

ALIVE 314-993-2777*
(Alternatives to Living in Violent Environments)

Life Source Consultants 314-385-8686

Women's Support and Community Services
314-531-
2003*

YWCA – Sexual Assault Response Team
314-726-
6665

For batterer's counseling

AVA 636-949-9940
RAVEN 314-645-2075

Usluge za žrtve

Victim Service Division 314-615-4872
St. Louis County– Prosecutor's Office

Victim Services St. Louis City 314-622-4373

St. Charles Victim Assistance 636-949-7370

Jefferson County Victim Assistance 636-797-5501

Usluge obrazovanja i podrške

Woman's Place 314-645-4848

ROW
Redevelopment Opportunities
For women 314-588-
8300

*indicira otvorenu liniju koja radi 24 sata

Šta je to nalog o zaštiti djeteta?

Nalog o zaštiti djeteta –"A Child Order of Protection" (Child OP) je sudska naredba kojom se određuje da se osoba koja zlostavlja ili proganja vaše dijete drži daleko. "Child OP" može narediti zlostavljaču da:

1. Se drži daleko od djetetovog doma;
2. Plaća izdržavanje, ako je on ili ona roditelj;
3. Plati rentu ili hipoteku doma u kome dijete živi;
4. Ide na savjetovanje za zlostavljače djece ;
5. Plati za bilo koji tretman (liječenje) koje je djetetu potrebno zbog zlostavljanja;
6. Plati za bilo koje usluge ili sklonište koje je djetetu potrebno zbog zlostavljanja;

Nalog o zaštiti djeteta "Child OP" može takođe vama konkretno dati starateljstvo nad djetetom i može ustanoviti vrijeme za posjetu djeteta i zlostavljača, ako je to prikladno.

Koliko će dugo Child OP trajati?

Child OP može trajati do 180 dana. Može biti obnovljen dva puta, po 180 dana svaki put.

Ko može tražiti Child OP?

Možete tražiti od suda Child OP ako ste roditelj ili legalni staratelj djeteta.

Protiv koга mogu dobiti Child OP?

Vi možete tražiti Child OP protiv bilo koje odrasle osobe koja živi u istom domu sa djetetom ili koja je nekad živjela u istom domu sa djetetom. Vi možete tražiti Child OP protiv osobe koja proganja (prati) dijete.

Odrasla osoba ja osoba od 18 godina ili starija, ili emancipovani maloljetnik.

✓KONTROLNA TAČKA:

Prije nego što krenete dalje, zapitajte se da li već postoji sudski nalog u koji je uključeno dijete za koje želite OP. Ako ste razvedeni, ili ako je sud utvrdio očinstvo, ove naredbe su već odredile starateljstvo. Možete nazvati LAAW kriznu liniju da pitate da li vaša situacija dozvoljava da dobijete Child OP za vaše dijete.

Ali ja to ne mogu sebi priuštiti da idem na sud!

Troškovi podnošenja zahtjeva i sudski troškovi se ne naplaćuju od podnosioca zahtjeva za Nalog o zaštiti.

Kako da apliciram za Child OP?

Postoji osam koraka u apliciranju za Child OP.

KORAK 1: Gdje da idem?

Prvi korak u apliciranju za Child OP je da se utvrdi u koju sudnicu treba ići. Možete otići u sudnicu u bilo kojem od ovih okruga:

1. Okrug u kome dijete živi;
2. Okrug u kome je dijete zlostavljano;
3. Okrug u kome se zlostavljaču može uručiti poziv.

KORAK 2: Kad treba da idem?

Trebate otići tokom radnog vremena sudnica. Ono je navedeno na poleđini ove knjižice. Svaki okrug ima proceduru za apliciranje za Child OP. U hitnim slučajevima tokom sati kad je sudnica zatvorena. Samo u hitnim slučajevima, iz vaše lokalne policije ili 24 sata otvorene linije za kućno nasilje vam mogu reći šta da učinite.

KORAK 3: Šta trebam ponijeti u sudnicu?

1. Znajte adresu gdje se zlostavljač može naći tokom dana. Šerif će trebati dostaviti zlostavljaču vašu Peticiju za Child OP prije nego što sud bude imao raspravu, tako da morate biti u stanju da kažete šerifu gdje se zlostavljač može naći. Ako znate adresu na poslu i kod kuće, ponesite obadvoje. Pomoći će ako znate od kad do kad je zlostavljač na poslu.

2. Sliku zlostavljača.

1. Opis i registarske tablice auta zlostavljača.

4. Slike svih povreda koje je zlostavljač nanio djetetu.
5. Svi policijski, bolnički, ili doktorski izvještaji koji govore o zlostavljanju.
6. Znajte konkretne datume kada su se napadi desili, posebno posljednji napad.

KORAK 4: Šta da radim kad stignem u sudnicu?

Neke sudnice imaju specijalne urede osnovane da vam pomognu da aplicirate za Child OP. Lista sudnica na poleđini ove knjižice će vam reći da li vaša sudnica ima ovakav ured. Ako ima, idite tamo i tražite da vam pomognu da ispunite peticiju za Child OP. Ako nema, trebate otići u službenički ured. Službenik će vam pomoći da ispunite papirologiju za Child OP.

KORAK 5: Šta treba da navedem u Peticiji?

Peticija će vas pitati da detaljno opišete posljednje zlostavljanje. Budite spremni da detaljno opišete zlostavljanje. Budite što konkretniji što možete vezano za vrijeme, datume, i mjesta. Na peticiji možda neće biti dovoljne prostora za pisanje, pa zatražite još papira ako je to potrebno.

Peticija je ono čime tražite od suda sve ono što želite u svom finalnom sudskom nalogu.

Ako to ne tražite sada, sud vam to ne može dati poslije. Ako ne razumijete šta treba da tražite, tražite od advokata ili službenika da vam objasni.

Lista na početku ove sekcije pod “Šta je to nalog o zaštiti djeteta?” navodi neke od stvari koje možete tražiti od suda da vam da.

✓KONTROLNA TAČKA:

Veoma je važno da znate šta možete tražiti od suda da naredi, i da se pobrinete da sve tražite kada ispunjavate peticiju. Ako imate ikakva pitanja o tome šta možete tražiti od suda da učini, nazovite LAAW kriznu liniju, ili kontaktirajte privatnog advokata.

✓KONTROLNA TAČKA:

“Ponekad vam službenik neće dati da sami popunjavate svoju peticiju, ili, ako je podnosite nakon što je sudnica zatvorena, možete je podnijeti telefonom ili možda niste u stanju da je napišete sami. Ako se to desi, **POBRINITE SE DA PROČITATE FINALNU KOPIJU PRIJE NEGO ŠTO JE POTPIŠETE!**

Vi ste odgovorni za to što je napisano, i kada potpišete vi se kunete, kao da ste pod zakletvom, da je sve što je navedeno istinito. Ako je nešto u njoj netačno vi ćete za to biti odgovorni.

Takođe se morate pobrinuti da peticija uključuje sve što želite tražiti od sudije da vam da kad odete na vašu raspravu. Ako na primjer zaboravite tražiti novac za rentu, ili ako službenik ne označi tu stavku, a vi ga (nju) ne ispravite, nećete moći tražiti od sudije novac za rentu na vašoj raspravi. Još jednom, **PROČITAJTE PETICIJU PRIJE NEGO ŠTO JE POTPIŠETE!**"

KORAK 6 : Šta se dešava nakon što ispunim peticiju?

Nakon što ispunite peticiju za Child OP, ponekad sudija želi s vama da razgovara i da vam postavi neka pitanja. U drugim slučajevima, sudija će odlučiti da li je vašem djetetu potrebna hitna zaštita bazirano samo na onom što ste napisali u Peticiji.

To je razlog zašto je veoma važno da se sudiji da puno detalja o zlostavljanju kada ispunjavate Peticiju.

KORAK 7: Ex Parte Nalog o zaštiti djeteta

Nakon čitanja vaše Peticije, sudija će odlučiti da li je vašem djetetu potrebna hitna zaštita od zlostavljača. Ako sudija misli da će vaše dijete biti u opasnosti od vremena kad zatražite Child OP od suda do vaše sudske rasprave, može vam se dati *Ex Parte Nalog o zaštiti djeteta (Ex Parte Child Order of Protection)*. Ovo je privremeni OP koji traje samo do vašeg sudskog ročišta. Ako sudija ne misli da postoji opasnost, ili ako postoji druga sudska pravosnažna naredba, vi ćete dobiti Obavijest o raspravi, koja vam jednostavno daje datum ročišta, kada treba da se vratite tako da sudija može da odluči da li vam treba biti dodijeljen Child OP.

U Ex Parte OP-u, sudija može:

1. Narediti zlostavljaču da prestane zlostavljati vaše dijete;
2. Narediti zlostavljaču da se drži dalje od djetetovog doma;
3. Vama dati starateljstvo nad vašim djetetom;
4. Narediti zlostavljaču da nema nikakvog kontakta sa vašim djetetom.

Ako sudija odluči da vam da Ex Parte OP, dobićete ga tog dana prije nego što napustite sudnicu.

Pobrinite se da ga imate sa sobom i sa svojim djetetom u svaka doba od vremena kad ga dobijete do dana vaše sudske rasprave. Ako zlostavljač prekrši Ex Parte OP, vi ćete trebati nazvati policiju i reći im da imate Ex Parte Child OP, koji je prekršen. Moraćete im ga pokazati kada dođu.

✓KONTROLNA TAČKA:

Ex Parte OP samo radi za vas do datuma vaše sudske rasprave. Ako ne odete na sud na vaše ročište Ex Parte OP će isteći, i vaše dijete neće biti zaštićeno! Vi morate otići u sud na raspravu da bi dobili punu zaštitu nad svojim djetetom!

STEP 8: Guardian Ad Litem

Ako dobijete Ex Parte OP, onda sudija mora imenovati ili *Guardian ad Litem* (GAL) ili sudski imenovanog specijalnog branitelja - *Court Appointed Special Advocate* (CASA). GAL je osoba određena da predstavlja interese vašeg djeteta u raspravi za Child OP.

CASA nije advokat.

Posao GAL ili CASA predstavnika je da istraži zlostavljanje. Oni će doći na sud i predstavljati interese vašeg djeteta na sudu. Od sada do sudske rasprave, oni (ako je vaše dijete dovoljno odraslo da govori).

✓KONTROLNA TAČKA:

Važno je da razumijete da GAL nije vaš advokat. Posao GAL predstavnika je da predstavlja najbolje interese vašeg *djeteta*, a ne neminovno vaše. Trebalo bi da razmotrite da uzmete svog advokata da predstavlja vaše interese. Ako ste zbunjeni ulogom GAL predstavnika, nazovite LAAW kriznu liniju za savjet.

Imam zakazano ročište na sudu-šta sad?

Između podnošenja vaše peticije za Child Op i datuma rasprave na sudu, postoje tri stvari na koje treba da mislite: uručenje; primjena Ex Parte OP, i nalaženje advokata.

1. Uručivanje

Prije nego što se puni ChildOP može izdati, mora se uručiti vašem zlostavljaču. Ovo znači da se zlostavljaču mora uručiti poziv za sud da bi došao na dan vaše rasprave.

Šerif će pokušati da to uruči vašem zlostavljaču koristeći informacije koje ste obezbijedili kada ste podnosili svoju Peticiju. Zato je važno da vi imate informacije o tome gdje vaš zlostavljač može biti pronađen kad odete u sudnicu da podnesete peticiju.

Ako to nije uručeno vašem zlostavljaču tri dana prije zakazanog ročišta, sudija neće moći održati raspravu. Pogledajte sekciju sa naslovom "Moje ročište" da vidite šta raditi ako se to dogodi.

✓KONTROLNA TAČKA:

Ako zlostavljač zna da šerif pokušava da mu/njoj uruči poziv, veoma je uobičajeno da nađe nekoga da slaže i kaže šerifu da on nije kod kuće ili na poslu.

Najbolji način da se spriječi da se ovo dogodi je da nikome ne kažete da ste podnijeli zahtjev za OP dok zlostavljaču ne bude uručena vaša Peticija.

2. Primjenjivanje vašeg Ex Parte OP

Na vama je da zaštitite svoje dijete primjenjujući vaš Ex Parte OP. To će jedino uspjeti ako nazovete policiju **SVAKI PUT** kada ga vaš zlostavljač prekrši. Trebate im reći da imate Ex Parte OP kada pozovete za pomoć; oni moraju odgovoriti kada to čuju.

Kada policija odgovori na vaš poziv za pomoć, oni trebaju uhapsiti zlostavljača i napisati izvještaj o tome šta se dogodilo. Ako policajac ne napravi izvještaj, on /ona mora napisati izvještaj sa objašnjenjem zašto nisu napisali izvještaj. Ako je zlostavljač već otišao, oni bi trebali za njim ili njom izdati potjernicu.

Zapamtite, ako zlostavljač prekrši Ex Parte OP i vi ne nazovete policiju, on/ona se neće bojati da ga ponovo prekrši. Najbolji način da zaštitite svoje dijete je da PRIMJENJUJETE EX PARTE OP.

3. Da li mi stvarno treba advokat?

Vi ćete trebati da odlučite da li želite da imate advokata da vas predstavlja na vašoj raspravi.

Sudski sistem je dizajniran tako da vam omogući da odete na sud bez advokata da bi dobili Child OP; međutim, zakoni o zlostavljanju djeteta mogu biti zbunjujući.

Ako niste sigurni vezano za vaša prava, uvijek je dobra ideja da potražite pravni savjet.

Mnogi privatni advokati rade sa Child OP-ima. Ako nemate novaca za advokata, nazovite LAAW kriznu liniju za pomoć da vam pomognu da nađete advokata.

Ako odlučite da uzmete advokata, vaš advokat će vam objasniti šta će se dalje dešavati. Vi možete izabrati da pročitate ostatak ove knjižice za informisanje, ali vaš advokat će biti u mogućnosti da vam da konkretne informacije vezane za vašu situaciju.

Ako odlučite da ne uzmete advokata, ostatak ove knjižice će vam dati predstavu o tome šta će se dalje desiti.

Sudsko ročište

Postoji nekoliko situacija koje se mogu desiti na vašem ročištu. Svaka je opisana ispod.

1. Šta ako mu poziv nije uručen?

Ako optuženiku poziv nije uručen tri dana prije sudskog ročišta, šerif će vratiti poziv na sud sa izjavom da poziv nije uručen optuženiku.

Ovo se nekad zove “*non est*”. Ako se ovo dogodi, morati svakako otići na sud.

Na sudu, možete tražiti od sudije da šerif ponovo pokuša uručiti poziv zlostavljaču, i tražiti novo ročište.

Ako dobijete novo ročište, pobrinite se da sudija takođe produži vaš Ex Parte OP; prvi ističe na datum vašeg ročišta, tako da vam treba novi do drugog ročišta.

✓KONTROLNA TAČKA:

Ponekad šerif neće biti u mogućnosti da uruči poziv zlostavljaču čak i nakon nekoliko pokušaja.

Ako se to dogodi, možda će vam biti potreban uručilac specijalnog procesa - “*special process server*”. Posao ove osobe je da nađe ljude i uruči im pozive. Vaš advokat će vam pomoći da ga nađete ako vam bude potreban.

Ako nemate advokata, možete nazvati LAAW kriznu liniju za informacije o uručiocima specijalnog procesa.

2. Šta ako se optuženik ne pojavi?

To zavisi od toga da li je ili ne optuženiku uručen poziv. Ako je optuženiku uručen vaša Peticija, onda sud može izdati Child OP čak iako optuženik nije tu, ali vi jeste. Ako poziv nije uručen, prethodna sekcija se primjenjuje.

3. Šta ako nijedno od nas nema advokata?

Sudija će voditi raspravu. Vi ćete obadvoje ispričati svoju priču, a onda će sudija postaviti pitanja koja on ili ona ima. GAL-u će takođe biti dozvoljeno da postavlja pitanja i učestvuje u raspravi. Potom će sudija odlučiti da li da izda puni Child OP.

4. OH! –Optuženik ima advokata a ja nemam!

Ponekad kad se ovo dogodi, sudija će vas pitati da li želite da vam se da vrijeme da uzmete advokata.

Ako sudija to pita, i ako sad želite da uzmete advokata, dobićete novi datum ročišta, obično za jednu do dvije sedmice.

Pobrinite se da sudija produži Ex Parte OP tokom ovog vremena.

U ostalim slučajevima, sudija vam neće dati više vremena, i vi ćete morati sami sebe predstavljati. Ovo je često stresna situacija. Ako ne želite da preuzmete rizik da predstavljate sebe nasuprot zlostavljačevog advokata, treba da nađete advokata prije sudskog ročišta.

Rasprava

Svaki sudija ima svoj stil vođenja rasprava. Neki od njih će od vas tražiti da jednostavno stanete ispred njih i kažete svoju stranu priče. Drugi radije žele da vode rasprave koje liče na suđenje, gdje dajete iskaz kao na bilo kojem suđenju, i druga strana vam postavlja pitanja kao na bilo kojem drugom suđenju.

Vaš advokat će vas pripremiti za vašu raspravu. Ako odlučite da sami sebe predstavljate, možda ćete željeti da odete u sudnicu prije vaše rasprave da posmatrate kako sudije vode OP rasprave, tako da možete znati šta da očekujete. Neke sudije ne dozvoljavaju posmatraču u sudnici za Child OP Rasprave, tako da ćete možda morati posmatrati rasprave za OP-e za odrasle umjesto toga.

Kako god da vaš sudija vodi raspravu, kad bude završena, vama će Child OP biti dodijeljen, ili odbijen. Ako je odbijen, možete diskutovati o vašim pravnim opcijama sa advokatom.

Ako nemate advokata, možete nazvati LAAW kriznu liniju za pomoć.

Ja imam svoj Child OP – Kako da ga primjenim?

Sad kad imate puni Child OP, na vama je da ga koristite da zaštitite svoje dijete. Pažljivo pročitajte svoj OP i pobrinite se da razumijete šta znači. Vaš advokat će vam to objasniti. Ako nemate advokata, nazovite LAAW kriznu liniju da tražite pomoć u razumijevanju OP-a.

Zakon kaže da ako je OP pravosnažan, policija mora odmah reagovati ako nazovete za pomoć. Kažite policiji da imate Child OP kada nazovete.

Primjenjivanje vašeg Child OP-a je isto kao i primjenjivanje Ex Parte OP-a. Vi trebate nazvati policiju ako ga zlostavljač prekrši, i trebate nazvati policiju svaki put kad ga zlostavljač prekrši. Inače neće biti posljedica za kršenje OP-a.

✓KONTROLNA TAČKA:

Policija i tužioci će primijeniti dijelove vašeg OP-a koji će držati vašeg zlostavljača dalje od vašeg djeteta, spriječiti ga/nju da kontaktira vaše dijete, i da dođe u vaš dom. Takođe će pomoći ako vaš zlostavljač uzme vašu djecu protiv uslova OP-a. Međutim, ako u vašem OP-u postoje provizije vezano za izdržavanje djece ili druge finansijske isplate, vraćanje imovine, ili neki druga naredba koji se odnosi na držanje vašeg zlostavljača dalje od vas ili vaše djece, policija ne primjenjuje ove provizije. Ako zlostavljač ne prati ove naredbe, vi ćete morati uložiti žalbu za nepoštivanje (Motion for Contempt). Ovo daje sudiji koji vam je izdao OP do znanja da zlostavljač ne poštuje OP. Dobićete ročište da ponovo odete na sud tako da možete objasniti sudiji šta je to što zlostavljač ne čini. Ako se sudija složi sa vama da zlostavljač krši uslove OP-a, zlostavljač može biti finansijski kažnjen, ili smješten u zatvor dok se ne bude ponašao/la u skladu sa OP-om.

Većina sudova ne obezbjeđuje jednostavne formulare za ispunjavanje za "Motion for Contempt". Kontaktirajte privatnog advokata ili LAAW kriznu liniju ako imate pitanja o podnošenju ovakve žalbe.

Šta se dešava ako zlostavljač prekrši Child OP?

Ako vaš zlostavljač prekrši OP time što povrijedi dijete, dođe u dom djeteta, ili ako vam uzme/ne vrati vaše dijete, policija ga može uhapsiti. Prvi put kad je zlostavljač osuđen za kršenje OP-a to je blaže krivično djelo. Drugi put je to teže krivično djelo.

Ako vaš zlostavljač prekrši bilo koji od drugih uslova OP-a, kao što je neplaćanje izdržavanja za dijete, ili neodlaženje na nastavu za zloupotrebu supstanci ili za intervenciju za nasilnike, način da se primijeni OP nije zvanje policije nego ulaganje žalbe o nepoštivanju (Motion for Contempt). Ovo je žalba koja govori sudiji da njegov/njen nalog nije poštovan, i traži od sudija da kazni zlostavljača zato što nije poštovao nalog. Ove žalbe obično nisu na formularima u sudnici, tako da je trebalo napisati sami, ili kontaktirati advokata.

Ove su žalbe dosta komplikovane, tako da ako posjedujete izvore trebalo razmotriti razgovor sa advokatom da dobijete pomoć u podnošenju jedne od ovih žalbi.

Šta se dešava ako treba da promijenim nešto u OP-u?

Nakon vaše rasprave, moguće je da promijenite određene dijelove OP-a. Da bi se izvršile izmjene, sud mora ustanoviti da su se dogodile promjene u vašim okolnostima od kada je izdat nalog (OP), koje zahtijevaju da se izvrše promjene. Vi *ne možete* tražiti promjenu samo zato što ste se predomislili u vezi nečega, ili zato što niste donijeli sve dokaze u sud na raspravu i hoćete da opet pokušate.

Da zatražite promjenu, mora se predati molba za promjenu (*Motion to Modify*). Većina sudova ne obezbjeđuje formulare, tako da ćete možda željeti da vam advokat pomogne.

Šta se dešava ako treba da odselim iz države?

OP važi u svakoj državi; ne morate dobiti drugi ako se preselite. Trebalo kontaktirati agenciju za kućno nasilje ili advokata u obadrije države iz koje odlazite i u koju idete, prije nego što odete, da vidite da li je potrebno da nešto učinite da bi osigurali prikladnu primjenu vašeg OP-a u novoj državi. Svaka država ovo sprovodi drugačije.

Ako vaš OP daje zlostavljaču prava na posjetu vaše djece, imajte na umu da on/ona zadržava ova prava i ako se preselite. Ako se preselite i odbijete posjetu, vi ćete kršiti sudsku naredbu, što može rezultirati vašom kaznom. Provjerite sa advokatom ili na LAAW kriznoj liniji prije selenja da li treba da se selite i da li vaš OP daje zlostavljaču prava na posjetu.

Kako da obnovim moj OP?

Ako osjećate da je vaše dijete još u opasnosti da bude zlostavljano kada Op treba da istekne, trebate otići u sudnicu da predate molbu za obnavljanje naloga o zaštiti djeteta (*Motion to Renew the Child Order of Protection*).

Trebate podnijeti ovu molbu oko dvije sedmice prije nego što Child OP istekne.

Sud će vam zakazati ročište prije nego što OP istekne. Ako vam sud ne može dati ročište prije nego što OP istekne, obično će vam dati drugi Ex Parte OP da zaštiti vaše dijete u vremenu od isticanja OP-a do novog ročišta.

Pravni rječnik

alias summons: Ako odete u sudnicu na svoju raspravu a optuženiku nije uručena vaša Peticija, sudija će vas pitati da li želite da imate “ alias summons,” ili “alias.” Sudija želi da zna da li želite da žerif to ponovo pokuša uručiti optuženiku. Ako hoćete, poziv koji se šalje se zove “alias summons.”

Guardian ad Litem (GAL): Predstavnik kojeg je imenovao sudija da predstavlja najbolje interese sve djece koja su uključena u slučaj. GAL se koristi u slučajevima kada je dijete navodno zlostavljano od jedne od stranki.

uznemiravanje: Ovo je sudski termin za akcije osobe koje alarmiraju ili izazivaju nemir u drugoj osobi, a za koje nema opravdane svrhe. Mora da bude više od jednog incidenta da bi se nazvalo uznemiravanjem.

izdržavanje: Ovaj se termin uobičajeno odnosi na “alimentaciju.” Odnosi se na novac koji plaća jedna strana da izdržava drugu.

non est: Ovaj termin se koristi da indicira da šerif nije bio u mogućnosti da optuženiku uruči Peticiju.

očinstvo: Ovu riječ sud koristi na dva različita načina. Jedan način korištenja je kada sud pita ko je otac djeteta. Drugi način na koji se koristi je da znači stvarnu sudsku tužbu, koja se obično zove "Peticija za očinstvo, starateljstvo i izdržavanje" koja se podnosi kada je dijete rođeno od nevjenčanih roditelja.

Ako ste roditelj djeteta koje je rođeno izvan braka, ili ako ste bili udati u vrijeme rođenja djeteta, ali vaš muž nije otac djeteta, sudija na vašoj raspravi za Nalog o zaštiti će htjeti da zna da li je sud ustanovio očinstvo djeteta.

Podnosilac peticije: Podnosilac peticije - "Petitioner" je osoba koja je podnijela Peticiju na sud. Ako idete na sud da podnesete Peticiju za Nalog o zaštiti, sudska papirologija će vas nazvati podnosiocem peticije.

Optuženik: "Optuženik" je osoba koja se mora odazvati na papirologiju koju je podnio petitioner. Ako ste uložili Peticiju za Nalog o zaštiti vaš zlostavljač će biti zvan "Optuženik" u sudskoj papirologiji.

special process server: Osoba koja može biti unajmljena da uruči sudske papire optuženiku. Oni se obično ne unajmljuju dok šerif ne pokuša da uruči poziv optuženiku i ne uspije.

INFORMACIJE O SUDNICAMA

Franklin County:

Od ponedjeljka do petka: 8:00 ujutro-4:30 p.m.
300 E. Main, Soba 301
Union, MO
636-239-6303

Jefferson County:

Od ponedjeljka do petka: 8:00 ujutro-5:00
popodne
300 2nd St.
Hillsboro, MO
636-797-5501

Lincoln County:

Od ponedjeljka do petka: 8:00 ujutro-4:30
popodne
201 Main Street, Troy, MO
636-528-6300

St. Charles County

Od ponedjeljka do petka: 8:30 ujutro-5:00
popodne.
300 N. Second Street, St. Charles, MO
636-949-7900 Ext. 7746 ili 949-7391
Sub/Ned/Drugo radno vrijeme: 636-949-1410

St. Louis City-Civil Courts Building

Od ponedjeljka do petka: 8:00 ujutro-6:30
popodne
Sub/Ned/Praznici: 9:00 ujutro – 12:30
popodne
10 N. Tucker, St. Louis, MO
314-622-3788

St. Louis County

Od ponedjeljka do petka: 8:00 ujutro- 7:00
popodne
Petak: 8:00 ujutro- 5:00 popodne, Subota: 9:00
ujutro-
podne
7900 Carondelet, Clayton, Mo.
314-615-4725

Warren County

Od ponedjeljka do petka: 8:00 ujutro-4:30
popodne
104 W. Main Street, Warrenton, MO
636-456-3363

Washington County

Od ponedjeljka do petka: 8:00 ujutro-5:00
popodne 102 N. Missouri, Potosi, MO
573-438-4171

Tekst pripremila:
Katherine Wessling, upravni advokat
Pravni advokati za zlostavljane žene

Recenzija: Lynn Loebner Rothbarth i Mary Fox
Preveli: AAA Translation, Inc. -
www.AAATranslation.com

©2004 Legal Advocates for Abused Women
-štampanje omogućio Verizon Wireless

SADRŽAJ

Kako koristiti ovu knjigu	1
Pravni advokati za zlostavljane žene	2
Vaš plan sigurnosti	4
ŠTA JE TO NALOG O ZAŠTITI (OP)?	6
Koliko dugo će OP trajati?	8
Mogu li ja aplicirati za OP?	9
Protiv koga mogu dobiti OP?	9
Ali ja to ne mogu sebi priuštiti da idem na sud!	11
Kako da apliciram za OP?	11
Imam zakazano ročište na sudu—šta sad?	18
Sudsko ročište	22
Rasprava	24
Ja imam OP.—Kako da ga primijeni?	25
Šta se dešava ako zlostavljač prekrši OP?	27
Šta se dešava ako treba nešto da promijenim u OP-u?	28
Šta se dešava ako treba da odselim iz države?	28
Kako da obnovim moj OP.?	29
Izvori	30
ŠTA JE TO NALOG O ZAŠTITI DJETETA “Child OP”?	33
Koliko će dugo nalog o zaštiti djeteta trajati?	34
Ko može tražiti Child OP?	34
Protiv koga mogu dobiti Child OP?	34
Ali ja to ne mogu sebi priuštiti da idem na sud!	35
Kako da apliciram za Child OP?	35
Imam zakazano ročište na sudu—šta sad?	42
Sudsko ročište	45
Rasprava	48
Ja imam Child OP-Kako da ga primijenim?	49
Šta se dešava ako zlostavljač prekrši OP?	51
Šta se dešava ako treba nešto da promijenim u OP-u?	52
Šta se dešava ako treba da odselim iz države?	52
Kako da obnovim moj Child OP.?	53
Pravni rječnik	54
Informacije o sudnicama	57